

ପଞ୍ଚମାସ

ପଞ୍ଚମାସ

୧୯

୧୦୨୩୪୫୬୭୮୯୦

ଜନେଶ ଆୟନ ଚାକରା

বনমালারে একবনা ফুল

ভালবাসা এক সত্যত বন মনদুখ

ঝাউবনর মাধাত নীল তদেক উড়ি যাদে যাদে বিন্দু

এককুঅ খেঙ মরত ইদা মেলা মারি

একঝাক হোদোর উড়ি গেলাক

গদা দেবাবুঅ ভরি গেল' নীল-হোদোর

ভালবাসা সত্যত বন বন্ধক-মনদুখ

কোন বজত কমলে হারকচ্যা বজত আজ়েয়ং মুই নীল বোত

হারকচ্যা বজর দুখ

আজ়েই ফেলানার দুখ

নীল বোত' কথা ইধোত তুল্যা মনদুখ

ভালবাসা সত্যত বন বন্ধক-মনদুখ

কমলে মামারে কইয়ং ফিরি এইম

বাবারে কথা দুয়ং ফিরি এইম

পড়পল্যা-মিলা চিক্কোবীরে কইয়ং ফিরি এইম

কথা দিনেই কথা রাগেই ন' পারানার মনদুখ

ভালবাসা এক সত্যত বন মনদুখ

এ ভরন্দি তেইজত এক ট্রেনর ফগদি কানাত মু রাগেই

ভালবাসা সত্যত বন মনদুখ

নীল বোত আজ়েয়া মনদুখ

কথা রাগেই ন, পারানার মনদুখ

ম' মনান কেনসান গরি উদে

ভালবাসা সত্যত বন মনদুখ

ভালবাসা সত্যত বন বন্ধক-মনদুখ

দৰ্ঘ্যা ডাগে আয় আয়

ভরপুনঙে দুলনিসুখ খায় রিবরিব দেবাবুগত
রেদোর-পিখিমি সাবোগুবো তিন তালাগর কেৰাবত ।
গাবা-বাবা বনপাদা পাদালদি বানে মেহয়ে কলগত
আভাবয় ছবিরাবি নিমোন নিড়েলে-সিবি দবরত ।

কানপাদি বুকধুবি গুবিগুবি ননেই অলায় দেবকরত
এই সুধোমর এই মাধানর ডামাটোল অ-ছল পাধারত ।
নিবিপেইক্ নিগুলিরেইত্ দেবরভঙানি থাধারত
নিবিফুল নিড়েলে আউস ফুধিতুলে তজিম স্ববনত ।

বালগা তুলি আভা-উলমত্য ডুমুলুক খেলে মনানত
গভীন ভাবনা তবনাগভীন গভাবাড়ে বেনালত ।
নুয়া ধারাজে নুয়া চদগে দৰ্ঘ্যা ডাগে আয় আয়
বেভুলোমন ইনজেব রেনে দৰ্ঘ্যা ডাগে আয় আয় ।

ধাবামেঘ ডাগি যায়

ধাবা মেঘ ডাগি যায় আয় আয়
ফুদন্দি ফুল ফুদি উদি ফুগা মারি চায়
সাজনী যদক দোলানি ফুলর তুমবাজে
বারবুয়াবি বারগরে চদক পত্তাপত্তির সাজে
ধাবামেঘ ডাগি যায় পাল ছিনি থায়
উলমত্যমন নাদেংপত্তিং অই সাজুরায়
পাল পাল মেঘ ধাবা যায় ভাজি যায়
ছিনে মেঘ কজমা ফুল ভিকিয়ান বারিৰায় ।

মনকাভুল না দিককাভুল

মনভুল ফুল ফুদেলুঙ
ফাগোড় মেলি স্ববন দিলুঙ
সয়সাগরা ননেই দিলুঙ
ননেই-গুলো চোখ ফুধেলুঙ ।

দ্বিচোখভড়ি তিরোজ গনি
অবাড় বুগত পত্য আনি
মন-মধুরা জদন মানি
“আয়” ডাগিলুঙ পত্য বানি ।

মনভুল ফুল ফধেলুঙ
ফুলত গুঝি দুয়ো বানেলুঙ
ফুলর পেইক উড়েই দিলুঙ
উড়গো পেইঘর মন বানিলুঙ ।

ফুলর পেইক পেঘোর ফুল
থুবো থুবো চান্ধা ফুল
ফাগুনো দেবাত বিঝুফুল
মনকাভুল না দিককাভুল ?

বার্গী

দেবা উড়ি
দেবা জুড়ি
মেঘে মেঘে
রঙ বদলে
সাৰা বদলে
রীত বদলে
দিন-মাধান ।
দেবা উড়ি
দেবা জুড়ি
বেবাক-আমক
বার্গী-পাল
মেঘে মেঘে
রঙে রঙে
ধঙে ধঙে
রীত ফিরে
ফিরি এবো
রীত দিনর
রীত মাধানর ।
দেবা উড়ি
দেবা জুড়ি
বেবাক-আমক
বার্গী-পাল ।

কোচপানার রঙ

নিমোন কোচপানার রঙে সিবি এ জিংহানি
সিবি এ জিংহানির রঙে নিমোন কোচপানা
রস্বে-রঙে লোভ-ধাবে থিরোজর এঙাবেঙা চোখমারনী
নিঙাগে ভত্তি-কুমলই তাকচানা এগামনে আ বারচানা ।

সনজুক মনজুক গভীন মনর ছাবা-তুলি
রিনি রিনি ইদোদর কাবিল নখভাজ রেনারেনি
থুপসারা নাদংসারা করলা বরলা সেই নিজেনি
আজুল আজুল তুলি ফুধেই তুল সাবাক দোলানি ।

দুগত-দুগ মন-কবাড়া বেঘফেঝেড়া বালা-উধোক
তজিম মনমজিম কোচপানার কজমা জিংহানির
সিরি ধরি রীত, সুদোম-বাবেই ভালেদী এবোক
পেখ ডোগোত্তোক চাম্বা পড়োক বানা গমানির ।

তবনা ভাবনা

তবনা যদক এই ভুই-মাধি গাবে বাবে ফুলবন
রাঙা বেলর সদক তারা ভরা দেবা সেই জুন' বন
গুজি গুজি পুনং চানে বান তুলে কাবিল দেবরঙ ফরর
কোজলী উদুরয় মেহয়ে-বানে সংসার আলামত মানেয়র ।

তবনা যদক এই ফুল-পেখ-গাঙ সয়সাগরা
সাঁঝগুজরি লামি আন্ধার নিআলসী পঝিমে শুকতারা
সাতবোন তারা ইদোদর অরি নেয়ায় কোন মাধানর
জুড়ো জুড়ো আহ্ভাগানে পুঝোরলয় গোর-কামেয়র ।

তবনা যদক কাবিল-কাবিলে-কাবিলর-কাবিলানি
ভাবনা সেধক এই ক্ষেন-মাধানর ইরঙ্গর কামেয়ানি ।

স্ববন কাল স্ববন

স্ববনে

নয়

পথমে

তিদিপেখ

নিশুলি রেত

ডাগি উধি

উড়ি গেল

কোন মুগী ?

স্ববনে

নয়

পথমে -

দর্যা পার

করলি চর

পুনঙ চান

উঙুদো উধে

আভর খায়

ঝাপাং ঝাপাং ।

নিঝারেত্

ডাগে

নিশুলি রেত

ডাগে

স্ববন না কাল স্ববন

স্ববন না কাল স্ববন

উজানি ছড়া

লামনি ধার

পত্য এবে

সত্য জানি

ফুয়ং ফুদে

র' ফুধে ।

গাঙর পানি

পানি ধার

পানি হাধে

লামনি বায় ।

মেধে মেধে

বায়্যা-বাড়ি

পেড়াক পড়ে

দেবার-

পেড়াক ।

সয়-সাগরা

সাগর-পানি

উঙুদো উধে

গজ-গজরায় ।

র'বে-রঙে

সধক তুলে

তেল-কজড়া

কাজর বার ।

সত্য জানি

পত্য আনি

মেলি চেলে

চাম্বা ফুল ।

বড় গাঙ

বড়নাঙে সেইনাঙে নাঙে নাঙে বড় গাঙ
এগেম বিজগর লেইক হাধেই ভাজি উধে পয়নাঙ
পিত্তাপিত্তির জয়-জগার হুসকার সুরধরি আধিষায়
জাদর বিদিষেইয়্যা কামেয়ানি কাবিলানি সুরনত পায় ।

বড়নাঙে সেইনাঙে নাঙে নাঙে বড় গাঙ
সয়সাগরা জিদাজিত্যা বিজগর ঘোড়াগুন মুই পাঙ
ভালেদ-ভালেদীর তম্বার ইনজেবি তলবিচ মুই গাঙ
বিজগর জয়বাবতা বাহুরগরে সুরনত এগেম বড়গাঙ ।

বড়নাঙে সেইনাঙে নাঙে নাঙে বড় গাঙ
অঝার-বুগোর স্ববনর চাম্বা তুলি মুই বারচাঙ
একদিন কোনোদিন ধুজিবং পুরনী বিজগর পয়নাঙ
বড়নাঙে সেইনাঙে নাঙে নাঙে বড়গাঙ ।

চিদৎ জ্বলে

কানামেঘার যে জিহ্মানি ভাৰি যায়
স্ববনে, স্ববনত, ফুল তুলে মনানত আডর খায়
দুগর-গভানি, বাড়ি উধে নিত্য আলামত
সুরআধি পথ ভঙে, খেবরক খায় পাদারত
আলাপনত, চিদর গভীন নালত যে গাদুভাঙা
সেঝান দ ন এল কথা, ফুলুন ফুধিবাক রাঙাচাঙা
উবোল পাল, উবোবনত, ভঙ পরে যেন মনরবাঘ
ফুলবন অয় কাটাবন, কায়পথ দিঘোলীবাক ।

পশ্চন এক লামা

এত্তে

এক বড় গাঙ ।

দেশকুল নাঙে ঘর পাদা ।

রাজ ঘরত রাজা এলাক ।

রাজার-বি -

থিয়েলে হাট, বজিলে বাজার ।

মানৈয়র কলকলি ।

মোন মুড়া । ছড়াছড়ি । উভোবন । নাকসতুলি । দিঘৌলীবাক । আন্ধারমানেক ।
হাজারধান । গাঝেবাবে তারম-বন । পঝু-পক্ষী । হুরিঙ নাজন । চঙরা ভঙ পরন ।
বুলঙ । খাগাড়া । মগনী ফুল । মাত্যাকানোজ । সদরক ফুল । মাছ-কাঙারা । বিঝু-
পেইখ । পুগেদি রাঙা বেল । সাগরর আহতা । সত্যঢাল । আনন্দ কুমর । বন
বিলাস । চাদিগাংছাড়া পালা । রাধামন-ধনপুদি । পেত্যা ফগিরর কালাম । শিব
চরনর এগেম তবনা । বিমিত বিমিত জুনি জ্বলন সে দেশত । তান্যাবির তিন-
তালাক । দুধুগর তাল । বাঝির রাজ-মগনী ডাক । খেংগরঙর নদী-নাত্যা সুর ।
উভোগীত । গেংখুলী গীদর সভা । পূর্বালা আ বাগীর পাল ।পিন্যা পিনোন ।
ঝুগত খাদি । ঠেঙত খারক । রাজজুর । হাজুলি । কঝফুল । বাঘু । লামা চুলত
সিরক । সিদুগর মিলাউন ।

এত্তে

এক বড় গাঙ ।

দেশকুল নাঙে ঘর পাদা ।

এক দিন স্ববনে

এক দিন স্ববনত

আমারে থই বঝেই

দোলে দালেই

স্বর্গমারা য়েবাক ভিলি

ভেইয়ুন গেলাক ঝাড়ত ।

এত্তে

এক বড় গাঙ ।

দেশকুল নাঙে ঘর পাদা ।

কাঙারা হখপারা

এত্তমান ।

চান্দবি

চধগর মেহুয়ে-বানে মন-রিবেঙত স্ববন-তিরোজ জ্বালি
নিমোন সদরে থেবরক খাবায় বুকভরা কোজলি-নিবুলি
কমলর কমলগার সিবি চেগাগ জ্বালে মেহুয়ে বান-র
কাবিল বেরাচ্যা মন ধারাজে লাঙ্যা-মেহুয়ে নিত্য স্ববনর
নুয়া সদরে মেহুয়ে বানি তিরোজ জ্বালি বিজগত ফুদে নাঙ
ফিড়ি-আধেই আমল-আধেই ফলনা-ফলনীর যুর স্ববনত মুই পাঙ
তারাভরাদেবাচান দেবরঙ ভরা বেল ফুদিবাক জ্বলিবাক
মন-রিবেঙ চুকচুক সিবি চেরাগ জ্বালি মেহুয়ে-জদন জুড়িবাক ।

চম্পকনগর নাঙে

সুরনত ভাবি উধে অনসুর, চম্পকনগর নাঙ
হাবি যেইয়া পধ, হ'জ মাঝাড়া বিজগর বাম ।
উদন্দি বেলর ফরফাদা সধগে, দেজর বাবতা উড়িদ
জিদাজিত্যা কালর ক্ষেনে, তম্বার রণখেলা খেলিদ ।
তারার জয়জগার, হুসকার, লাডেয়র রেনারেনি
ঝিমিত ঝিমিত জ্বলি উধে বলি-নিজেনি-ঝিমিলানি ।
গাঙপার সাতপার দেশপার মোনমুড়া ভঙি ভঙি
কালে কালে, দঙ্গা ঝাড়ে পানিবান, লুগে যায় নিজেনি ।
জাদর বুকভরা কোজলি, গুজি গুজি কানানি, খায়থিক স্ববনত
নিত্য নিত্য সিজি চেরাগ জ্বালে, থুয় ধুচ খায় পাদারত ।

রাধামন দমপুদী

একদিন মনর সুঘত একদিন মনর দুঘত ওল জোল
কি অলঅ গোজেনর কি অলঅ গোজেনীর ঢামা ডোল
ঝিড়ু ঝিড়ু গরি তামজাং, নালবই আধিয়ায় পাধারে
মাদি শিল তারেঙ, নালে নালে বই নিল, গঙে পানিধারে
দিপারে পাদাভরা এইল গাবো, ফুলুন ফুদি ফুদি উদিলাক
বাগে বাগে পেঘোর বাগ, এই ভুই মাদি, মুপুখ ভঙরায় গঝিলাক
উবোল পাল অয় ছিনালী আহ্ভা, রিমি ঝিমি উঙুদো উদিল
সাবাক সধগে ভরে সংসার, কজমা-রাঙা উঙুদো-তুলিল
দঘিন আহ্ভা ফিরিল, সাগর নাঝিল, মোনমুড়া ছড়াছড়ি সাজিল
নাঝফুল ফুঝিলাক, বাঝি সুর দিল, কাঝিল কাঝিলে আমাধিভাচ বুঝিল।

নাঝফুলুন, ঝিঝু ফুলুন

মোনমুড়া ছড়াছড়ি বানে মেহ্য়ে সদরে
উঙুরে দেবাতল, তলে ভুইমাদি এই-দবারে
চাক চাক ধাবা মেঘ, ছিদিয়ায় গাভুর মনে
বইয়ের ইলোনী, হিলোনী, ননেয় চুমি যায় মাধানে
গাঙর কুল, কুলছাবি, পানিআধে থির থির উঙুদো তুলি
এগা মনে, এগা চিদে, তজিম মনমঝিম, জুড়ু চেরাগ জুালি
মন চুক চুক, হোজপানার ফুলবারেঙ, সাবেই থলুঙ
নুয়া আহ্ভালে, নাঝফুল, ঝিঝুফুল, ত নাঙে গবোলুঙ।

সাতবোনতারা

দিনুন এখন দিনুন যাদন বুরমারি সাবুড়ি
অলমত্য়মন উধো নপায়, আধি যায় লাঙেল দিঘোলী
জনমর অজিরেন নিশুলি মেইদ্ ভাঙি ভাঙি
পাধারত হুজ মাঝাড়া পড়ে, নিআলসী তগানা পদধুজি
ভাবনা মানেয়র, সাবাক সধকর চাম্বা ফেলায়
নিজি'দি ছিধি দিয়ায় এই দেবা মোন মুড়ায়
মানেয়র কলকলি, সুরধরি জয়ধনি দিদি ফিরিব
এবাক য়েবাক খেবাক, সাতবোন তারা রিব রিব জুলিব ।

শিবচরনর লামা

জিংহানির যে তক্ষিণা আ-তার ততু-তালাবি
বারেঙবুগি পধধুজি, যে আহ্‌বিলেশ
গোর কামেয়র মাগনি, আর থুবনি
দিনুন য়েবাক, শেষকালেদি ব-নিজেশ ।
পত্যারাজিত কেরাপপাদি
ভাবনা ধর, তবনা গর দেবরঙ-ধারা
আন্ধার কাজেই মানেক তগা
সত্যগরি, চিৎবানি লোয়া সিন্দুগত ভরা ।

সোনারেগা

গাৰো গাৰো নুয়া পাদা রঙমেলে
পেঘোর কিৰিক খাবাক দুয়া মেলে ।
মেঘৰাক চকবদা সাপসান লড়ে চড়ে
পাদা সেড়ে কোগিলা-র মিধে নিত্য ডগরে ।
দঘিনর আহ্ভা বয়, ননেয়ে গাভুর অয়
পুরনি বেক চেবারানি, নুয়া জনম লয় ।
তম্বার গভীন নালত বানি ল' চিৎসুখ
সোনারেগা বানি ল' মনধবরত সনজুক ।

দেব রঙ

গাঙ পার
সাত পার ।
গাঙর এ-কুল
ডাগে
আয় আয় ...
গাঙ পার
সাত পার ।

গাঙর উ-কুল
ডাগে
আয় আয় ...
মুই উগুরে
দেবা কিত্যে
চোখ তুলিলুঙ ।

দেবা রঙ ...
দেব রঙ ...
দেবা-রঙ ঝরে
দেব-রঙ ফুধে
ঝরি যায়
ফুধি যায়
সা বা ক স ধ ক
চোখ বানা যায় ।

বিবু পেখকো ডাগি যায়

মেঘুলাভাঙা রোদর সধক, পজিমদাগী ডুবিল
ফিবির ফিবির, আহ্‌ভাগানে, নুয়া সদরে ফিরিল ।
সয়সাগরাত সাবন লাগে, করঙা-খাবা এই মাধানে
কোগিল ডাগে মিধে সুরে, তিন তালাগর কোন সুদোমে ।
ভুই চাবোগী, মাত্যাকানোজ, দ্বি-হাদ তুলি ডাগেরে
হুঝিরাজি নিমোন তালে, সিবি মনে, বিবু ফুলুন ফুধেরে ।
বাঘ্যাবাড়ি, ঢোলে-ডগরে, দুদুগ বাঁঝীর, র শুনরে
তাডুম ঝাড়ত নারু ফুলুন কিরবাগরি সাজেড়ে ।
বালাতুলি মনকঝাড়া বেক ফেঝোড়া, মানেই উধো জাগিরে
ফি-বলা, আপদ বলা, দূরত যোক - কই উধে বিবুপেঘে ডাগিরে ।

ও মেঘা-ও দেবা

ও মেঘা রাজ
ও দেবা রাজ
ও সংসার সৃতি
দ্বি হাদ জুড় বানং
এগেম ভাবনা-তবনা
মর চিং দিঘোল সালামী ।
ও চান
ও বেলান
ও নুয়া রঙর সধক
দ্বি হাদ জুড় বানঙ
এগম ভাবনা তবনা
মর চিং দিঘোল সালামী ।
ও রঙ রংবোর খেল
ও কুল নেইয়া দয়্যা
ও অপার পানি
দ্বি হাদ জুড় বানঙ
এগম ভাবনা তবনা
মর চিং দিঘোল সালামী ।

সিমেই ফুল ঝাড়ে ঝাড়ে

মাদল ফুল দেবাতল জুড়ি

সিমেই ফুল ঝাড়ে ঝাড়ে মাদল ফুল দেবাতল জুড়ি

ইয়ান কোন ফাণ্ডন

অচিন চেরোকিত্যা

দিনর মাধান

রুপ পঙ ঝাড়া পড়ে

গুজি গুজি আহবিলেজ

আণ্ডন রঙ ফুধি উধি ঝিমিলেয় মনানত

মনানত

মনানত

অনসুর কোন পাধারে

সিমেই ফুল ঝাড়ে ঝাড়ে মাদল ফুল দেবাতল জুড়ি

দিনুন এবান - দিনুন যাদন

রীত-বদলে-সংসার আলাম

ফাণ্ডনর রীত দিককাভুলা অয় আহুতা

ছাবাতুলে মনপবনর মনফাণ্ডনর

এ দিনুনর এ মনানর আলাম ঘরত খধানি থোক

নিত্যফুধি নিত্যজুলি

ছাভাঘরত

ছাভাঘরত

ছাভাঘরত

সিমেই ফুল ঝাড়ে ঝাড়ে মাদল ফুল দেবাতল জুড়ি

সিমেই ফুল ঝাড়ে ঝাড়ে মাদল ফুল দেবাতল জুড়ি

সিমেই ফুল ঝাড়ে ঝাড়ে মাদল ফুল দেবাতল জুড়ি

ডাগকথা - ১

গাঙে গাঙ, পানির গাঙ, গাঙের পানি
নেই রেনারেনি, বানা তার লামনি
আগমোলি থায়থিক ভাঝিযানা
লামানা গাঙে আ মন চাঘিচানা ।

ডাগকথা - ২

সংসার নাঙে আদামত এবানা
দ্বিবেদিন আঝিমাধি বেড়না
গরবা-আদি লোবিয়দী তক্কিনা
ডাঙ্গু, নানু নেনা, আয় বচ্চিনা ।

ডাগকথা - ৩

দয্যার উঙুধো উদিব বেঘিদো
বঙপড়ে তকঝক মনানি
রীত-সুদোম মানা বেঘিদো
চালোন-চালি গঝিল দোলানি ।

ডাগকথা - ৪

চান উধিল
তারা ফুধিল ।
শুকতারা জ্বলিল
পুগর তারা ফুধিল ।
নিঝিপেখ উড়িল
বইয়ের লড়িল
ফুলুন ফুধিলাক
দয্যা উঙুধো তুলিল ।
বেলান উধিল
ফর ফাধিল ।
মেঘ চাক ফুধিল
আহুতা তুলিল ।
গাঝ বাঝ জন্মিল
ভুই মাধি লড়িল ।
দয্যা উবোলপাল অইগেল
সংসার অলমত্য ভরিগেল ।

এক বনা

গাঙ নাঙে জিংহানি
জিঙহানি নাঙে গাঙ
অজিডেন, ধাভা কাম
ইয়ান কোন বড়কাম ?

নিডেলে আধানা
মনজুগে গীতগানা
সনজুগে ফুল ফুধানা
ইনজেবি সুরনে তবনা

হাবিল তক্কিনায়
ধারাজ ধরফড়ায়
তামজাং বাড়ঝড়ায়
বড়মোন গুজুরায়

গাঙ নাঙে জিংহানি
জিংহানি নাঙে গাঙ
ধল-ফর, কুঝি পুনংচান
সিঝিমনে মুই বারচাঙ ।

দ্বিবনা

হাদে হাদ ধরানা
ঠুচে ঠুচ লিবানা
বুগে বুগ বাঝানা
চোঘে চোঘ চোঘে চানা
মনে মন মন-বানানা
উং সুয়া ।

হোজলী নিঙলি
এগেমর তক্কিনা
দিক-কাভুলা তাকচানা
বনগরি চোমুগী
পরায় বান-না
উং সুয়া ।

এই ফাগুনর আহ্ভালগে
হাবিল দোলানি মরে গবোলে
তুই এলে যনি
ফাগুনর আহ্ভালগে, লগে
আমাধি ভাস, তুম বাস ঘিরি থায়
নিগুচ লুজুরক, পত্তি ছ্বা-মাঝাড়া
বার ভাঙে, ননেয়া গাগধামি
আঙুল তুলি উদিশ দিলে -
মোন মুড়া ছড়াছড়ি গাছবন
পেঘোবাক তামজাং
আধিযায় আলোলো দুলোলো
সনসনেয় উধে ঝাড়গীত
মেঘাপত্তি মেঘচাক চাকচাক
ইলোনী হিলোনী গরে বনবুক
দিঘোলী পাধার
রাঙী-সিমেই ফুল, নাক্স ফুল
মেলি দিলে জলটুঙির স্ববন
দুদুগর র নিমোন খেংগরঙর তাল
বেক লিবি পুঝি
আজুল গরি, দ্বিআধে
হাবিল দোলানি মরে গবোলে ।
তুই এলে যনি
ফাগুনর আহ্ভালগে
এই দিনুনত, এই মাধানত ।

এক্কান ফুলগাঙর পচচন

এক্কান ফুলর গাঙ

উজোনি-ছড়া

তার, ধার লামনি

এক্কান ফুলর গাঙ

তর আর মর

বই থানা দ্বিজনর

মুয়োমি

অজিড়েন

এক্কান ফুলর গাঙ, গাঙর পার

সত্যরে রেনিম ভিলি

আওজে

দিকবন, চোঘবন

আক্কার নখভাচ

নিআলসি

তুই আ মুই

বই থেই দ্বিজনে

মুয়োমি

অজিড়েন

এক্কান ফুলর গাঙ, গাঙর পার

চোঘত ফুদি উদে

রিব রিব সধক

ফরাক ফরাক

তার সধক -

এক্কয়া

দ্বিবে

তিনুয়া

অনিচ্ছা অনিচ্ছা অনিচ্ছা -

চোখ বানা যায়

ইরক মুই লংতরাইর মুড়ো-তুগুনত
অবল চুগত, ননেয়ে উবোল পাল
অইয়ে, এইল গাঝছাতাতলে
জিড়নীহলাত, নিত্তাগে ধঙ্গা বাড়ে
মনররিবেঙত ।

উগুরে রিব রিব দেবা
দুরে দুরে মোনমুড়া-সাবাক
কুবি-বন তারমঝাড়
ইলোনী হিলোনী গরে লদিপাদাবন
এক ঝাকবদি পেঘরচাক উড়িয়ান
মুড়োর ধাবে ধাবে
গরক পালসান মেঘথুব চড়ি বেড়ায়
কালী ধলী চঙরী - সর্মাসান
হিয়ে নেই, চিধে চর্যা নেই
বেক দোলানি লিবিপুঝি
আমক-ভঙানি, ভঙন পাধারত ।

দূরত ধাবামেঘ ধাভায়
কি কথা ? কি সলণ্ডা তারা কই যান
সুরনত, গুপনত কি থার ?
কি চোখথার তারা দি যান ?
বাস তুমবাস লিবিদি যান
দঘিনর বইয়ের বায়
বালগামারি, তার উধো কি পায় ?
নাক্সতলীর নাক্সফুল
ঝারবো ফুলর অলমত্য ননেয়ে
দঘিনর-আভা লেবে লেবে গরে
মুই থার পাঙ, বেসদত, বেনালত ।

ইরক মুই লংতরাইর মুড়ো-তুগুনত
অবল চুগত, ননেয়ে উবোল পাল
অইয়ে, এইল গাঝছাতাতলে
জিড়নীহলাত, নিত্তাগে ধঙ্গা বাড়ে
মনররিবেঙত ।

দূরত আবাবাগরি ধলফর দেবারাজ
মাধা লামায় তার নিমেজত
পঝিমদাগ জুড়ি কালায় কালায়
ছত্রং খেলায়, কালা ফরে গুলোয়ায়
দেবারাজ,

রিব রিব দেবাতলে জুড়ভাঙি
মোনবগা দুয়ামেলে ঘর-নিজেনী
আভা বয় ঝাঝ ঝাঝ
কি ওল ? কি ঝোল ?
কি ডামাটোল নিমেজত ?

ধারাদিঘোলী আভা বয়
দঘিনর আভা পিঝ-বাগোলী খায়
আভায় আভায় ভরিয়ায়, ভরি উধে
বারকদর নিজেস, কালায় কালায়
সাবাক দেবাকাল ক'নিজেস
চোখ বানা যায়
ছচ বানা যায়
মন বানা যায় ।

দেবরঙ ছাভি যায়

ও দেবরাজ! কই, নিশুলি-কোজোলী
খেবরক খাবেই চিত্তানত, মনর দ্বজরত
উবল পাল, তিন-তালাক্যা, আভর
খাবেই দেবংশী আহুভা, তরঙ্গ-তুলিল
দর্য্যা ভাঙি ।। মুই চোঘ তুলিলুঙ ।।
দেবরঙ ছাভি গেল ।।

ঝরাং ঝরাং
ফুল-পাগোরে -
তজিম-কজমা
লদি-পাদা -
চামা তুলে
আঙ-আর্ক,
ঝড়র ফুধো
থিব থিব
থিব থিব
দেবরঙ ছাভি গেল ।।

দর্য্যার পারত
উড়ন্দি পেইক
পেঘোর ঝাক
নাক্স তলীর আহুভা
নুয়া সদগে
নুয়া ছধগে
ইতুক খেবরক
খায়
মনানত
বিল বিলায়
মনান কেনসান গরি উধে
দেবরঙ ভরি যায়

দোলানি সতপত্যা অয় -
মেঘচাগ উড়ে লড়ে
রিপ রিপ
পধর নিজানি -
দেবরঙ ছাভি যায়
ছত্রং খেলে কোজোলী
বিরিক-বারাক -
দেবরঙ ছাভি গেল
পাধারত -

তুই, তুই বিনে

অলর মনে
নিগুচ নিগুচ
কথা কয়দে মনানে

ফুলর স্ববন
বুবর স্ববন
অনসুর টানে পরানে

ফুল ফুধি যান
ঝড় ছিধি যায়
কুজি বুগত থিরোচ গনে

ফাগোনের আহুভা
নাকস ফুলে
তর নাঙে পিছেহা টানে

সারাল্য চিল
কুজি বুগত
পরান-কানি ডাগে
বিঝু-ফুল
বিঝু-পেঘে
তর, স্ববনে জাগে

গুজি গুজি
পরান কানে
তুই বিনে মেহুয়ে বিনে ।

তুই বিনে মেহুয়ে বিনে ।
তুই বিনে মেহুয়ে বিনে ।

দিকবন

রিমিঝিমি উঙুদো উধে মনত

থরে থরে নানান জাদর
গাঝা মুয়োমি, সধরে থিয়েই আঘন
সদচ্যা কুদুমর সান
জিংহানির বাবতা ধরি আঘন তারা
জয় বাবতা, রিদি সুদোম সিরি সুদোম
ঝলগা ঝলগা বইয়ের, আভর খায়
গাঝর পাদাত, নাঝি উধি খুজি উদুরয়

গাঙ, গাঙ বইযায় নিরলে
দয্যার উধিজ তার, দয্যামুগী
নিরলে, কি কথা কই যায় তরে মরে
গঙ তার পানি নাল বইযানা সমারি
ইদোনামা নয় পুরনীম অনসুর লামনি

দেবারাজ মেঘরাজ উজন্দি দেবামুগী
থরে থরে চাগা চাগা মেঘদলা
খুজি মনে চড়ি চড়ি নিমোন সধরে
দিককাভুলা অয়, দেবাগাঙ ভরি উধে
দেবর গাঙ ভাঝি যায়
ননেই আঙলায় দিকবন অই

সই কুমোর

এক পাল মানেই

সমারি

মুড়ো তুগোনত, আহ্‌ভর খেবং ভিলি

দিলহেনা, মনোআঝা পুরেবং ভিলি

সমারি লরবু-অ, পত্নয়া আমি

দ্বিকুল-ছাতি, দ্বিকুল-জুড়ি

গাঝ-বাবা, তার মঝাড-বন

সাক্কানর ফুল ঝড়ি ঝড়ি পাধারে

নাক্কবনর তুমবাস, উলমত্য লাগে আহ্‌ভা

দেবরঙ বালগা মারে সর্বাঙ্গে

ঝিমিত ঝিমিত ঝিমিলায়

ছিড়িৎ ছিড়িৎ

দেবরঙ ফগামারে

দেবরঙ ছত্রং খেলায়

আবাধা

তুই এইনেই ঠেঙত পলে ...

চিৎমন একবানি গরে মর

কুজি কুজি কোচপানা উদুরয়

বুবঅই যাং মুই

খাদারত দিককাভুল

“সই সোনা, সই সোনা”

চননর পানি, সাত ছিধেন

জোনর পানি, সাত ছিধেন

ফুল-বিজোনর-সাত বিজোনি

মর ঠেঙত ছিধি পোল

দেবরঙ ঝড়ি পড়ে

দেবরঙ ঝড়ি পড়ে

লারে লারে শেষ সলঙান

ঝড়ি পোল

জিয়েই উধিল সই কুমোর

নুঅ আহ্‌ভালে

নুঅ সধরে

নুঅ দজরে

দেডুগাঙর পারে

চেরাঙ চেরাঙ চোঘর পানি

সই কুমোর সই কুমোর

চোঘ ঠাড়ে ডাগিলে যনি

আবাধা, তর চোঘর ঠাড়ে

ফাগোনর আহ্ভা	ফিরিল
কোগিলায় মিধেরয়	ডাগিল
নাক্সবনর ফুল	ফুখিল
পাধারত মাত্যাকানোজ	ছিখিল
গাঙ ছড়া দয্যা	নাঝিল
মেঘরাজ দেবারাজ	আহ্‌ঝিল
বনর অরিং ভঙ	পড়িল
তিতিপেঘ উজানমুগী	উড়িল
তেঙতেঙরি দুয়া তার	ঝাড়িল
শিমেই ফুলে মাদাল ফুলে	রাঙিল
ছত্রং খেলিল মেহ্‌য়ে	বান

ঝিমিদৎ, তর চোঘর ঠাড়ে

বেক দি ক ব ন

গি লে প গ রে

চোঘ মরি যায় চোঘমারনী

চোঘ বানা যায় বড়চালানী

আ গা জ ব ন

পা দা ল ব ন

আবাধা, তর চোঘর ঠাড়ে

মাদীৎ ধ জ র ত

আধিক স দ র ত

একবনা ফুল, আরো একবনা

আরো এ ক ব না

ফুধি ফুধি যা ন

ফুল ফুল ফুল

হি রি মি র

নিলক্ৰি

চিল চিল চিল
ও চিল শিগিৰা
শিগিৰা চিল ।
সংসার তিৰ্দ্দেমিধে দুকতাপ
লা গ্যা প ড়া
মেহ্ৰেবান-জ্বালাপড়া তুই রাখেচ
যাবজ্জীবন যাবজ্জীবন
তাবজ্জীবন
আৰো সে অবলা
তুই বে-ক
আ লা চ গিল ।
চিল চিল চিল
ও চিল শিগিৰা
শিগিৰা চিল ।
চড়ি-বড়ি নেৰা
দুগাৰ উড়ুদো
ত র
ম র
স ব জ ন র
দুগোৰ চাম্বা
ভুই মাৰি সাগৰবিল
ও চিল চিল চিল ।
স্বৰনগুলো কাৰিমাস
কাৰিমাস স্ব
ব
নে
সুদোফুল হাৰি উদোচ নিলক্ৰি
সদৰক বনত নিলক্ৰি
ঘচ্যা বনত নিলক্ৰি
ৰান্যা বনত নিলক্ৰি

মেঘে মেঘে নিলক্ৰি
ৰোদৰ সদগে নিলক্ৰি
জুড়ো জুড়ো আহুভায় উড়ে নিলক্ৰি
চিগুত চিগুত সুরন জ্বলে নিলক্ৰি
সারাল্যা চিলৰ ব-নিজেচ
সি জিক্-চিক্
সি-জি-ক্-চি-ক
সি-জি-ক্-চি-ক
সি জি ক্-চিক
মনৰ তিৰ্দ্দিৰে সিজিক্চিক
পৰান আঙলায় পৰান ভাঙে
সিজিক্ চিক
তৰ মনৰ মানেই মনৰ
মৰ মনৰ
লাগ্যা মেহ্ৰে সিজিক্ চিক
মেহ্ৰে জনম পিতাপিত্তিৰ
সিজিক্ চিক ।
চিল চিল শিগিৰা
শিগিৰা চিল -
দুগোৰ চাম্বা হুড়ি নেৰা
তুই বে-ক
আ-লা-চ-গিল ।
স দ র ক বনত নিলক্ৰি
ভু লো ৭ বনত নিলক্ৰি
ঘ চ্যা বনত দুয়ো মেলে নিলক্ৰি
আ হু ভা য় উড়ে নিলক্ৰি
চোঘো পানিত গুলো যায় নিলক্ৰি
পৰান হোজলীত নিলক্ৰি
সু দো বনত নিলক্ৰি
সা রা লা বনত নিলক্ৰি
নাক্‌স তলিত নিলক্ৰি
পূৰ্বালৰ ৰাগত নিলক্ৰি

বাগী বাগত নিলকবি
উরোম্বো মনত নিলকবি
শুধো মুধো বা না মনে
ভগুরা উড়ে চুধো মনে
ম নে ম নে
ম নে ম নে
ফুলন ফুধন মনে মনে
হুড়িং চড়ন বনে বনে
নাদেং পত্তির মনে মনে
লাঙা মেহয়ে ছত্রং খেলে মনে মনে
উ ল ম ত্য
আ লা চ মনে মনে
স্ববন জ্বলে ফুয়ং ফুধে
জ্বলে জ্বলে স্ববন জ্বলে
মর মনে নিত্য নিত্য
স্ববন জরায় নিলকপুদি নিলকবি ।।
চক্ষুন পুঝি আহধর পাদায়
রেনং মুই ঘোর তিরোজে
জিন্দি চাং নেই নেই নেই
খালি খালি ভুই মাদি সাগর বিল
চিল চিল চিল
ও চিল শিগিরা
শিগিরা চিল ।।
বানা গুজি গুজি
সারাল্যা চিলর ব-নিজেচ
সি-জি-ক্-চি-ক
সি-জি-ক্-চি-ক
জনম জনম পিছো জনম
আধি মাদি ভুইমাদি
তাবৎ জীবন যাবজ্জীবন
যাবজ্জীবন যাবজ্জীবন
দুগর ভুধি পধরলুধি

মুই ভগুর
মুই হাধুর
পত্তো অজিডেন বানা খ-নিজেচ
সারাল্যা চিলর ব-নিজেচ ব-নিজেচ
সি-জি-ক্-চি-ক
সি-জি-ক্-চি-ক
যে যেবার তো ফিরিবার নয়
কোনোদিন কোনোবার
দেঘায় সংসার আলামত
ঘরমুঘী নয় বারমুঘী ।
আঘোন মাজর বিয়ান মাধানে
একদিন নিরলে
হুয়োর মাধায় মাধায়
শিরোপানিত ধল থেঙানি ডুবেই
নরম করম ঘাস পাদাত
হুবো মাজাড়া ফেলেয়
সার্বোতলী তার ম ঝাড়র
তলে
তলে
আ
হু
ধি
গে
লো
নিলকবি একদিন
হুজো মাঝাড়া ফেলেয়
মর নরম চিৎববেইয়া বুগত
চা
ম্বা
ফে
লে
ই

আধিক ননেয়ে
বাড়বোবি
আহুধি গেলো
বা
ড
দে
ঘে
ই
দি আহুধো পাদায় জনম তাগি
ছু
ড
কাগোচ দেঘেই
তারম বনে
তুবোন তুলি
আ
লা চ
মরে
নেইয়া গরি
নাদাংছাড়া
থাদারৎ
না
দা
ং
ছাড়া
ন
ম
ং
সু
ক
এক জমালে
এক জনমে

না
দ
ং
ছাড়া
ন
ম
ং
সু
ক
তুবোন তুলি
মুয়োন তুলি
সাগিন এলো
সার্বো তলি
গমারী শিলর রঙে রঙে
সিবি স্ববনর কোন জনমর
দ্বিয়ান ভরন্দি গালচাবা তার
গামারী শিলর রঙে রঙে
নখভাচ থুগুরী তার
সিবি স্ববনর কোন জনমর
থুগুরী তলে কালা ফুদো
কালা জনম দাগ কমলগর
চিন, নিজেনী, হিজেনী ?
নাগ-নাগত্তারা রবো রঙে
ধল ফহুর
হুডিংগলা ডোলান লইনেয়
রেনারেনি সংসার আলাম
চোঘ তার রিনি চায়
গ
ভী
ন
দ
শ

জ
ন
ম
র
স্ববন থাজে
দেব রঙ
দে
ব
র
ঙ
ফু
ধে
দ্বি
চো
যে
তার
মুই রেনং
আমক মানং
দশ জনমর দশ জনমর
স্ববন মাঘে
স্ববন থাজে
সিজি স্ববনর কোন জনমর
দে
ব
ক
র
ম্
দে
ব
র
ঙ
ফুধে

দ্বি চোঘে তার
জোঘ তার রিনি চায়

তুমবাচ

পত্যারাজিত, রিবরিব, বেলর সধক গম লাগে
পত্তি দিনর, তজিম-রাঙা, নরম সধক চিদৎ লাগে ।
নিত্যমজিম, বিয়ান মাধানে, পক্ষীলগর গীদসুর গমলাগে
দুয়োমেলিয়ান পেঘোর ঝাক, কিঝিক-কাঝাখ চিদৎ লাগে ।
মিধে মিধে আহ্ভাগানে, জুড়োয় পরান যে আভালে গমলাগে
চিগোন চিত্তি হ্ঝিঝিঙে, হ্জ বাড়ে যায় তা সেধামে চিদৎ লাগে ।
গাঝে বাঝে তারম ঝাড়ে, ভারনভত্তি ফুল-পাগোরে গম লাগে
ননেই ফুলুন, আলাম ফুলুন, নিগুচ-নিগুচ - চিদৎ লাগে ।
দেবাজুড়ি রঙর খেল, মেঘর খেল, বাঘ্যাবাড়ি গম লাগে
ঝির ঝির, থিব থিব, ছিদি-যায় ঝাড়র ফুদো চিদৎ লাগে ।
নুয়া ধঙে, নুয়া রঙে ফাঘোন-হ্ভা-সিককারে গম লাগে
গীদগেই, রেঙ কারিম, নাঝি নাঝি নুয়া 'তুমবাচ' চিদৎ লাগে ।

সলঙ বদলে নিলকবি

দেবাজুড়ি আগুনরঙা শিমেই ফুল
গাৰো-বাৰো বায়্যাবাড়ি মান্দাল ফুল
দিন মাদানে ঋত বদলে

দিককাভুল দিককাভুল

এযান দিনত নিলকবি
মর পরাণর সত্যবি
চোঘর ইজিৰেয় হাদর ইজিৰেয়
বিলিক মারে ফুল চাবোগী

মনকাভুল মনকাভুল

উধুদো উধে আহুভা বায়
দঘিনর আহুভা চাষা চায়
এযান দিনত মন-পরান-চিৎ

উবোলপাল উবোলপাল

কুজি কুজি আগুনরঙা-কোচপানা
যাত্যা সদর নয় সাদাঙা
বুগত জ্বলে চিদৎ জ্বলে

- ছেই আঙারা

কোন কাল ? কোন কাল ? বিদি যেইয়ে

পুরোনকাল পুরোনকাল

ঋত বদলে নিলকবি
মন বদলে নিলকবি
জ-ন-ম বদলে নিলকবি